



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS,
manè discutienda, in Scholis Medicorum, die Lunæ vigesimo-tertio
mensis Decembris, anno Domini M. DCC. XLVIII.

M. PETRO-AUGUSTO ADET,
Doctore Medico, Præside.

An Partium durarum Nutritio, eadem ac mollium?

I.



OMINIS formatio, miraculum. Quot diversæ speciei;
varique generis ac usus, curiosè scrutanti, partes apparent?
Hic molles, ut omittam fluidas, funes, folles, cribra, cana-
les, alvei, receptacula; illic duræ, fulcimenta, columna, prela,
trabes, propugnacula, cunei, vectes. Horum instrumentorum
ope, causâ movente concessâ, corpus vivit, crescit, nutritur.
Quandiù causis externis non turbatur, illæque perstat stabilita semel in-

A

ter has partes harmonia; sanitate gaudet corpus. Artificium nec mirare minus, quo partium conservationi invigilet provida natura, quo, continuo motu agitata, assiduo tritu comminuta, perpetuo halitu avolantes, reparentur, resarciuntur, eademque proportionem redintegrentur. Hæc functio, quædam est continuata generatio, nutritionis nomine insignita; in infantiã plenior, in adolescentiã sufficiens, in virilitate minor, in senectute ferè nulla. Hanc peragit succus subtilis, dulcis, indefinenter è chylo renovatus; roris ad instar omnes partes indiscriminatim alloit, penetrat ac pervadit; illis, ultimos vasorum recessus lambendo, sese agglutinat; jamque compositarum indolem induit; cujus ex fonte partes omnes ortum & incrementum suscipere valent. Hujus jugi appositione, eodemque mechanismo, nutrirì non molles tantum, sed etiam duras quis dubitet?

I I.

TAM beneficum in corpore venaris succum! Præstò sit lymphæ; variis organis, canaliculis pulsatilibus tenuata, fibris oscillantibus lavigata, ab omni fordium genere, secretionibus, munda, humor cæterorum primævus, gelatinosus, sibi proprium, sanguinisque rubram partem abnuentium permeat intima vasorum penetrabilia; in ultimis hisce vasorum extremorum propaginibus imminuta capacitas, ac languida facta vis propellens, motum conciliat placidum, lentum & æqualem, qui deperditarum particularum reparationi, novarumque appositioni favet, & nutritii succi separationem plurimum adjuvat. Integrum nutritionis opus sanguini committentium opinioni recta refragatur ratio. Hallucinantur hi; nutritio ante sanguificationem peragitur. Lymphâ nutritur utero conclusus Embryo. Colore rubro spoliatur partes calidâ multoties immerse; fundent gelatinam lymphæ; omnino similem, imò in mucaginem abibunt carnes, membranæ, cartilaginee, & ipsam ossa diuturniori Papinianæ machinæ calore cocta. Motum hunc lentum, placidum & æqualem, necessarium elaborationi lymphæ, deberi & imminutæ capillarum capacitati & languidiori factæ illorum vasorum vi motrici dubitabit nemo, qui attendet quòd alioquin apponenda partes nimio sanguinis raperentur motu, ut agglutinari & vacua spatiosa occupare valerent. Restat ergò ex suprâ dictis phænomenis, ut solis in minimis vasis efficiatur nutritio, ut sola nutritionis materiam subministrat lymphæ, cæterique respuantur humores.

I I I.

OMNES corporis partes iisdem gaudere primordiis; totius corporis ita compactam esse œconomiam, ut ex minoribus consentiant partibus majores; vasa majora ex membranis; membranæ ex minimis vasculis; minima ex tenuissimis fibrillis tanquam ex elementis; hancque divisionem in infinitum ferè protrahi probant injectiones, microscopia, Embryonis examen; omnia enim mollia videre est, omnia vasculosa, etsi nullo discrimine sensibili notanda, filamentis interjectis, quæ firmandarum postea partium delineamenta sunt, à cerebro medullæque spinali emissis, tenerimis, fluida ferè æmulantibus. Pro diversis incrementi temporibus, multiplices exurgunt

3
mutationes; ex vasculis plurimis simul adjunctis; accedente nutritione elongatis, concrevit unica fibra, solidior inde, quam robustiorem præstat de novo accedens succus nutritius; crescit usque dum ultrâ nequeat elongari. Plurimæ posthac fibræ majores adunantur, firmantur. Repentia tunc vasa premuntur, imminuitur eorum diameter, minori quantitate succum hauriunt, humoris relentscit motus; ultimis vasorum finibus hærens congelasceit liquor, obstaculum ponè allabentis succi guttulæ; callo obducitur vas istud, congelascentibus itidem & successivè sequentibus guttulis totum vas oppletur. Prementibus superpositis partibus brevi complanatur. Fiet lamella sive squamula; succedunt lamellarum series, re eodem modo pluribus in tubulis se mutuò tangentibus peractâ, ossis sic per strata solidescit pars; non inde soliditatem nanciscuntur æqualem cunctæ ossium partes, non æquè durescunt ossa, sed prout imminuitur vasorum numerus, plus ad osseam consistentiam accedent partes; sic faciliè concipitur cur in senibus ossa quàm in junioribus duriora, & cur quædam partes, naturali compage molliores, osseam duritiem sæpius induant. Deletâ tunc in minimis vasis oscillatione, lymphæ, vasculis negantibus aditum, arescunt intimè minus humentes; patet cur frequentes in senibus fracturæ adeò difficilè sanentur; quæ frequentiores forent ni præcaveret oleosa materies, ossis cavo conclusa medulla, pingui quâ constat parte fibras oblinendo.

IV.

MOLLIMUM seu carnearum partium à duris discrepantiæ causam facillimè detegendam quisvis reputabit attendendo; quòd facilis citiusque nutriantur quæ sunt toti corpori fulcimentum præstituræ partes; quòd molles delicatiori texturâ, numerosiori vasorum copiâ luxurient ac irrigentur, illud arguit color; quòd indefinenter avolent ex iis particulæ jugiter reponendæ; quòd pinguedinis beneficio è cellulis continuò fluentis durities arceatur. Ast non statim nutriuntur muscoli ipsi, toti quanti sunt, neque membranæ; sed ut in ossibus, extrema & minima quibus constant vascula; tùm necessariò tunicæ quibus constantur majora vasa, refarciuntur, & sic ex his nutritis integer sequitur grandiorum vasorum, & sic, integrum partium nutritus. Lympham, sive succum eundem, in his & illis solam nutritioni symbolum præstare nonne demonstrant lymphæ vitiatæ morbi? Nonne sicut carnes gangrænâ, divexantur ossa carie? Cur atrophîâ corripuntur partes molles & ossæ in dorsali tabe confectis, rhumatismo laborantibus, vel venereâ labe contactis; in promptu causa est, lymphæ vitiatæ, ipsiorum sit & acrior, nedum Balsamo. reficiat quo indigent partes, minima vellicat vasa, crispat, corrodit; motus inde in ipsis perturbatur placidus, lenis & æqualis, partium appositioni necessarius. Eadem dicenda de senili atrophîâ mortis nunciâ; fibris nimium rigescentibus nutritione defraudantur partes; non sufficienti quantitate, sit novarum succi particularum appositio; nonne violentis capitis doloribus, febribus inflammatoriis lympham inspissantibus, & veluti coquentibus succedit capillamenti defluvium, nullâ arte sistendum, quin lymphæ tenuetur, inspissata renovetur, propriaque munia subire valeat?

SIC formationis ac nutritionis stabilito systemate, Naturam simplicissimam in opere noscas, univocamque semper operandi viam sumere, eundem in duris ac in mollibus partibus nutriendis impendendo succum, quem rorem, gluten, & cambium vocarunt antiqui, unico nomine lymphæ designandum. Exulenter ergo fictitiæ ubique sparæ glandulæ in quibus nidulatur lymphæ, exulenter & pariter gratis suppositi pori quorum intra intersticia secedit idem fucus, ope toni fibrarum agglutinandus. At formantur, inquit, ossa cujusque periostei lamellæ successivâ induratione. Esto pars exterior ossis ita induretur, quid contrâ nos? si successivâ staminum obstructione, canales fiant fibræ, ut exposuimus; at quomodò pars interna ossis, quomodò Epiphyse & Cartilagine periosteo destituta possent *officari*? Qui hieret dentium induratio, mucosæ primò consilientia, successuque temporis ita solidorum, ut firmiora incidantur, atterantur, molantur alimenta in chylum convertenda & fœcum nutritium sive lympham tum mollium tum durarum corporis partium commune pabulum subministratura?

Ergò Partium durarum Nutritio, eadem ac mollium.

DOMINI DOCTORES DISPUTATURI.

M. Urbanus de Vandenesse.

*M. Benjamin-Ludovicus Lucas
de Laurembert.*

*M. Michael - Philippus Bon-
vart, Professor Regius &
Regiæ Scientiarum Aca-
demie Socius.*

*M. Theodorus Baron, Artis in-
fectorie, necnon Rei metal-
licæ Inquisitor à Consilio Re-
gio Præpositus.*

*M. Leander Peaget, Consilia-
rius Medicus Regis ordina-
rius in ejus Castellato.*

M. Michael-Josephus Majault.

*M. Andreas Cantwel, Regiæ
Societatis Londinensis So-
cius & Chirurgiæ Professor
designatus.*

*M. Ludovicus - Alexander
Vieillard.*

*M. Joannes Herment, Anti-
quior Scholæ Magister &
Medicus Regis ordinarius.*

Proponebat Parisiis **MARTINUS NOUGUEZ**, Adurenfis,
à Comitatu Armeniaco, Saluberrimæ Facultatis Medicinæ Parisiensis
Baccalaureus, A. R. S. H. 1748, à sextâ ad meridiem.